

皇極經世卷第六之上

詠四

三 川 邵堯夫撰

以運經世之七 觀物篇之三十一

經元之甲一

經會之午七

經運之已一百八十六

經世之子二千二百二十一

經世之子二千二百二十一

甲子周威烈王九年魏城少梁

乙丑秦靈公卒季父立是謂簡公

丙寅

丁卯魏伐秦韓伐鄭

戊辰齊伐晉魏伐中山

己巳

庚午齊田莊子卒子太公和繼趙城平城

辛未魯元公卒子顯繼是謂穆公

壬申晉韓武子卒子景侯度繼趙獻子卒

子烈侯藉繼魏伐秦

癸酉韓伐鄭取雍丘魏滅中山楚簡王卒

子當繼是謂聲王

甲戌鄭伐韓取負黍

乙亥宋昭公卒子悼公購繼趙以白公仲

為相

丙子齊宣公卒子康公負繼田會以廩兵

叛

丁丑

戊寅晉韓趙魏求為諸侯于周

己卯周威烈王出朋太子驕嗣位是謂安王

楚聲王遇盜卒子疑立是謂悼王

庚辰秦攻魏陽孤

辛巳秦簡公卒子惠公繼韓景侯卒于烈

侯繼趙烈侯卒弟武侯立魏文侯以

卜子夏段干木為師西門豹為將守

鄴吳起為將守西河魏成子為相樂

羊為將同韓趙代楚至于乘丘

壬午

癸未

甲申韓盜殺相俠累

乙酉

丙戌晉烈公卒子孝公繼

丁亥

戊子魏伐鄭城酸棗又敗秦軍于注楚伐

韓取負黍

己丑

庚寅齊田和徙其君康公于海上食一城

秦伐韓宜陽取六邑韓趙大敗楚師

于大梁

辛卯魯伐齊于平陸齊伐魏取襄陵

壬辰秦伐魏陰晉

癸巳齊田和會魏文侯于濁澤求為諸侯

魏請于周及諸侯皆許之

經世之丑二千二百二十二

甲午周安王十五年秦惠公卒子山公繼

韓烈侯卒子文侯繼魏文侯卒子武

侯繼趙武侯卒子敬侯繼

乙未田和稱諸侯于齊列于周紀魏攻趙

邯鄲

丙申韓伐鄭取陽城伐宋執宋公子彭城

魏城安邑及王垣趙破齊師于靈丘

齊太公和卒子桓公午繼秦庶長改

殺出公及其母迎靈公之子于河上

立之是謂獻公

丁酉趙破齊師于廩丘

戊戌魏敗趙師于兔臺

己亥齊魏以衛伐趙取剛平

庚子趙會楚伐魏取棘蒲楚悼王卒宗室

作亂殺吳起王子繼是謂簡王誅害

吳起者十七家

辛丑齊伐燕取桑丘

壬寅齊康公死于海上齊桓侯卒子因齊

立是謂威王

癸卯晉孝公卒子靜公俱酒繼韓趙魏伐

齊至于靈丘

甲辰韓文侯卒子哀侯繼趙攻中山戰于

房子魯穆公卒子共公繼

乙巳周安王崩太子喜嗣位是謂烈王魏

武侯韓哀侯趙敬侯同滅晉而三分

其地以靜公為家人食端氏一城

丙午韓滅鄭徙都之趙敬侯卒子威侯繼

宋休公卒子辟公繼

丁未

戊申魯伐齊入陽關趙伐齊至博陵

己酉魏拔齊薛陵攻趙北蘭趙拔魏鄉邑

七十三宋辟公卒子剔成繼

庚戌韓嚴弒其君哀侯立其子懿侯魏武

侯卒公子爭國趙伐魏立公子釐是

謂惠王趙敗秦軍于鄆安

辛亥趙伐齊取甄魏敗趙師于覃懷齊威

王烹阿大夫封即墨大夫萬家楚肅

王卒弟良夫繼是謂宣王

壬子周烈王崩弟嗣位是謂顯王齊西

敗趙魏之師于濁澤趙魏入

觀齊魏敗韓師于馬陵

癸丑韓魏及周一

甲寅趙韓分周為二

乙卯魏會趙攻秦不利于宅陽

丙辰齊攻秦不利于石門魏伐宋取儀臺

丁巳周顯王西賀秦獻公魏與秦會于杜

平

戊午

己未秦獻公卒子孝公繼敗魏師于少梁

魏敗韓師于滄

庚申魏拔趙皮牟

辛酉周致文武胙于秦孝公東周君惠公

卒子傑繼韓趙魏伐齊

壬戌秦用衛鞅韓懿侯卒子昭侯繼

癸亥

經世之寅二千二百二十三

甲子周顯王十二年宋取韓黃池齊封驪

忌為成侯

乙丑趙會燕于河上會齊于平陸魯衛宋

鄭朝魏

丙寅魯共公卒子康公繼齊會趙于郊會

魏于平陸會秦于杜平

丁卯秦敗魏師于元里取少梁魏圍趙邯

鄆

戊辰韓攻東周君取陵觀及邢丘齊田忌

孫臏救趙敗魏師于桂陵是年齊始

稱王

己巳秦大良造衛鞅會韓趙之師圍魏襄

陵

庚午韓用申不害為相秦趙伐魏魏歸趙

邯鄲盟于漳水之上

辛未趙成侯卒世子繼是謂肅侯秦開阡

陌大築冀室于咸陽自雍徙都之

壬申

癸酉趙奪晉君端氏徙之屯留秦初為賦

甲戌

乙亥曾康公卒子景公繼

丙子

丁丑

戊寅周顯王錫秦孝公命為伯齊威王卒

子宣王辟彊繼

己卯諸侯西賀秦

庚辰齊救韓趙田忌田嬰孫臏大敗魏師

于馬陵獲將龐涓及世子申

辛巳楚宣王卒子威王繼秦奪魏河西七

百里魏去安邑徙都大梁

壬午

癸未秦孝公卒子惠文君繼是謂惠王商

鞅奔魏魏不受復入于秦

甲申秦惠文君夷商鞅族蘇秦入秦不受

乙酉周顯王西賀秦孟軻為魏卿

丙戌秦拔韓宜陽魏惠王卒子襄王繼齊

宣王會魏襄王于鄆

丁亥蘇秦會趙燕韓魏齊楚六國之師盟

于洹水之上以攻秦至于函谷韓作

高門是年楚滅越獲其王無疆盡取

其地東開地至浙江魏始稱王齊田

嬰為相

戊子燕文公卒子易王立韓昭侯卒子惠

王立楚敗齊師于徐州齊田嬰詐楚

故不利

己丑齊會魏伐趙又伐燕取十城

庚寅秦伐魏

辛卯宋亂公弟偃弑其君代立是謂元王

壬辰楚威王卒子懷王繼魏伐楚取陘

山秦伐魏取汾陰

癸巳秦用張儀為相陳軫適楚楚滅蜀魏

輸秦上郡

經世之卯二千二百二十四

甲午周顯王四十二年齊會魏攻韓之秦

丘

乙未趙肅侯卒子定繼是謂武靈王齊用

孟軻為上卿

丙申孟軻去齊

丁酉秦始稱王齊宣王卒子湣王地繼秦

築上郡塞

戊戌韓燕稱王楚破魏襄陵八城移兵攻

齊秦張儀會齊楚執政于齧桑

己亥秦張儀出相魏燕會韓魏二君子區

鼠

庚子周顯王崩子定嗣位是謂慎靚王是

年趙始稱王齊封田嬰于薛盜殺蘇

秦于齊蘇代復相燕燕易王卒子噲

繼子之專國蘇代使齊

辛丑宋伐楚取地三百里始稱王秦齊交

婚

壬寅魏襄王卒子哀王繼張儀復相

癸卯楚會齊趙韓魏燕攻秦不利齊獨後

秦樗里疾大敗六國之師獲將申差及韓魏二公子

甲辰齊敗魏師于觀津與秦爭雄雌魯景

公卒子平公繼秦敗韓師于濁澤歸請割名都

請割名都

秦又伐韓敗韓師于岸門楚救不至

燕王噲以國屬于之

乙巳齊伐燕秦伐趙拔中都及西陽

丙午周慎靚王崩子延繼是謂赧王稱西

周君秦拔義渠二十五城又取韓之

石章

丁未楚齊和親燕亂將市被攻子之不克

反攻世子又不克死

戊申楚攻秦不利秦伐齊楚救不至秦張

儀始楚樗里疾攻趙

己酉楚懷王大伐秦不利又伐又不利秦

庶長魏章會齊韓之師大敗楚師于

藍田又敗之于丹水之陽獲其將屈

丐遂取漢中地置黔中郡韓宣王卒

世子蒼繼是謂襄王齊以五都兵攻

燕燕亂國人立太子平是謂昭王

庚戌楚屈原使齊秦張儀使楚會楚齊韓

趙魏燕六國四事秦至咸陽而秦惠

王卒世子武王繼燕起金臺以禮郭

隗樂毅自魏往鄒衍自齊至劇辛自

趙至

辛亥秦會魏于臨晉張儀魏章適魏樗里

疾甘茂為相

壬子楚合齊以善韓

癸丑秦武王會魏哀王于應會韓襄王于

臨晉

甲寅東西二周君相攻楚圍韓之雍氏秦

甘茂拔韓之宜陽武王舉周鼎絕贖

而死國人迎母弟稷于趙而立之是

謂昭襄王太后臨朝稱制魏冉專政

趙武靈王改用胡服

乙卯秦復韓武遂嚴君疾向壽為相甘茂

適魏

丙辰楚絕齊以善秦

丁巳秦昭襄王會楚懷王于黃棘復之上

庸

戊午齊韓魏攻楚楚求救于秦魯平公卒

子文公賈繼秦取韓武遂拔魏蒲坂

己未秦復魏蒲坂會韓于武遂

庚申楚伐秦不利秦昭襄王會齊歸魏伐

楚敗之于重丘

辛酉齊孟嘗君入秦為質

壬戌楚懷王放大夫屈原于江濱與秦昭

襄王會于武關不復國人迎太子橫

于齊而立之是謂頃襄王其弟子蘭

為令尹齊歸秦涇陽君孟嘗君自秦

逃歸秦會齊魏伐楚取八城趙拔燕

中山攘地北至代西至九原

癸亥齊會韓魏伐秦至于函谷秦伐楚取

十六城趙武靈王稱主父會群臣于

東宮廢太子章而授庶子何位是謂

惠文王以肥義為之相比略地南入

秦稱使者

經世之長二千二百二十五

甲子周赧王十八年楚懷王于秦逃歸不

克

乙丑楚懷王死于秦楚遂絕秦魏哀王卒

子昭王繼齊會韓魏趙宋五國之兵

攻秦至鹽氏而還秦與韓魏河北及

封陵以和韓襄王卒子釐王繼趙主

父滅中山徙其王于膏施封廢太子

章于代號安陽君使田不禮為之相

丙寅秦免樓緩相穰侯魏冉復相率師攻

魏趙安陽君及田不禮作難公子成

及大夫李兌平之主父死于沙丘宮

丁卯秦向壽伐韓拔武始

戊辰楚與秦復和韓伐秦不利秦左庶長

白起大敗韓及諸侯之師于伊闕取

城五坑軍二十四萬獲將公孫喜

己巳楚逆婦于秦秦魏冉免相大良造白

起伐魏取垣攻楚拔宛

庚午秦魏冉復相封陶邑司馬錯伐韓軹

及郢

辛未齊有田甲之難免孟嘗君相魏獻河

東地方四百里入秦韓獻武遂二百

里入秦趙會齊伐韓

壬申齊復孟嘗君相秦伐韓拔六十一城

癸酉齊秦約稱東西帝復罷

甲戌齊孟嘗郡謝病秦昭襄王巡漢中及

上郡河北拔魏新垣及曲陽

乙亥齊滅宋至于泗上十二諸侯鄒魯之

君皆稱臣南取楚之淮北西侵韓趙

魏魏獻秦安邑秦伐魏之河內攻韓

之夏山

丙子齊孟嘗君以薛屬魏秦昭襄王會楚

頃襄王于宛會趙惠文王于中陽伐

齊拔九城

丁丑燕樂毅會秦楚韓趙魏五國之師伐

齊大敗齊師于濟西遂入臨菑拔城

七十拜樂毅上卿封昌國君留圍齊

即墨及莒齊湣王保莒楚使淩齒救

齊殺齊湣王于莒莒人立其子法章

是謂襄王荀卿行祭酒

戊寅楚頃襄王會秦昭襄王于鄒秦穰侯

伐魏至于國

己卯秦昭襄王會韓釐王于新城會魏昭

王于新明伐趙拔二城伐韓取六邑

庚辰楚會魏趙伐秦秦伐楚魏冉復相趙

使簡相如入秦獻璧

辛巳楚割上庸及漢中請和于秦秦白起

拔趙二城司馬錯拔楚上庸燕昭王

卒子惠王繼以騎劫代樂毅將樂毅

奔趙趙惠文王與秦昭襄王會于渑

池蘭相如相

壬午齊田單大破燕軍于即墨獲將騎劫

復城七十迎襄王自莒入臨菑封田

單安平君秦白起拔楚西陵

癸未楚頃襄王出奔陳郢陷于秦大良造

白起破楚入郢燒夷陵以郢為兩郡

封起武安君

甲申秦拔楚巫及黔中作黔中郡魏昭王

卒于安釐王繼

乙酉楚東收江旁十五邑以扞秦魏拔秦

二城封無忌信陵君

丙戌秦兵圍大梁魏入溫請和秦以穰侯

為相國韓暴蔽救魏不利趙廉頗拔魏房子安陽

丁亥魏莖卯攻韓不利秦師救韓敗趙魏之師十五萬于華陽魏入南陽請和以其地為南陽郡

戊子韓釐王卒子桓惠王繼趙取東胡地已丑楚黃歇奉太子完入秦為質未平又助韓魏伐燕齊田單拔燕中陽秦會楚韓趙魏伐燕燕惠王卒子武成王繼趙蘭相如伐齊

庚寅秦穰侯伐齊取剛壽以廣陶邑范雎自魏入秦

辛卯秦師伐韓以逼周壬辰秦中更胡傷攻趙關與趙奮擊之有功封馬服君與廉頗同位秦人為之少懼

癸巳秦拔魏懷城經世之已二千二百二十六

甲午周赧王四十八年秦太子卒于魏乙未秦拔魏鄆丘罷穰侯相國及宣太后

權以客卿范雎為相封應侯魏冉就國趙文惠王卒子丹繼是謂孝成王太后專政

丙申齊襄王卒子建繼田單救趙秦以安國君為太子宣太后卒拔趙三城進圍邯鄲趙出長安君為質于齊求救趙勝為相封平原君

丁酉齊用田單為相秦白起攻韓拔九城戊戌楚頃襄王卒太子完自秦亡歸繼是謂考烈王以左徒黃歇為令尹號春申君封于吳食淮北地秦白起拔韓南郡

己亥楚獻地于秦乞和秦五大夫首伐韓拔五十城以斷太行路韓馮亭以上黨入于趙趙受韓上黨廉頗軍長平

庚子楚伐魯取徐州秦白起攻趙長平辛丑秦武安君大敗趙軍于長平進圍邯鄲趙以趙括代廉頗將長平遂陷兵四十萬為秦所坑

壬寅秦分軍為三罷武安君白起將以王

甌代攻趙拔趙武安及皮牢司馬梗北定上黨趙使蘇代使秦

癸卯秦加范雎相國王甌圍邯鄲張唐攻魏燕武成王卒子孝王繼趙平原君求救于楚魏

甲辰楚春申君魏信陵君救趙秦起武安君白起不克救之于杜郵

乙巳周赧王會齊韓趙魏兵出伊闕攻秦不利西奔秦秦昭王滅周盡入其地三十六城徙其王于鬼狐楚滅魯以齊荀卿為蘭陵令

丙午秦徙周民及九鼎于咸陽蔡澤自燕入秦代范雎相燕孝王卒子喜繼

丁未楚齊韓燕趙皆服命于秦魏獨後秦使將軍樛伐之取吳城

戊申秦卻上帝于雍立趙徙都鉅鹿

己酉趙平原君卒

庚戌秦昭襄王卒太子安國繼是謂孝文王立三日又卒于楚立是謂莊襄王以華陽夫人為后子政為太子呂不

常為丞相封文信侯食河南十萬戶
楚春申君入弔于秦燕將栗腹攻趙
不利趙廉頗破燕軍于鄱封頗信平
侯

辛亥東周君會諸侯攻秦不利没于秦秦

丞相呂不韋平東周盡入其地置三
川郡徙其君于陽人趙廉頗伐燕圍
其國

壬子秦蒙驁拔趙太原拔韓滎陽及成畢
癸丑秦蒙驁拔魏高都又舉趙三十城楚

齊魏韓燕趙攻秦不利

甲寅秦莊襄王卒太子政繼是謂始皇帝

以呂不韋為相國號仲父同太后專
政李斯為舍人齊田單屠聊城魏無
忌自趙歸國率楚齊韓趙燕五國之

師攻秦軍于河外走蒙驁追至函谷

乙卯秦蒙驁平晉陽

丙辰趙孝成王卒子偃繼是謂悼襄王以

樂乘代廉頗將頗奔魏

丁巳秦蒙驁攻魏拔二城攻韓拔十二城

戊午魏安釐王卒子景濬王繼信陵君亦

卒趙將李牧拔燕二城

己未秦拔魏二十城置東郡趙伐燕獲將

刺辛

庚申楚考烈王會齊韓趙魏燕五國之兵

伐秦至于函谷不利東徙都壽春秦

申君就國于吳

辛酉秦拔魏之汲趙拔魏之鄴

壬戌秦封嫪毐長信侯開政于內韓桓惠

王卒子安繼

癸亥長信侯嫪毐作難攻鄴年宮不克伏

誅徙太后于雍流蜀者四千家楚者

烈王卒子幽王悍繼

經世之午二千二百二十七

甲子秦始皇帝十年呂不韋坐嫪毐事免

相李斯為相齊趙來置酒復華陽太

后于甘泉宮

乙丑秦王翦鉅師拔趙九城趙悼襄王卒

子遷繼秦兵攻鄴

丙寅秦會魏伐楚及韓文信侯呂不韋自

殺

丁卯秦鉅師大敗趙軍十萬于平陽韓公

子非使秦不還

戊辰秦鉅師破趙宜安及赤麗韓王安朝

秦

己巳秦伐趙一軍攻鄴一軍攻狼孟燕太

子丹自秦逃歸趙李牧扞秦有功

庚午魏獻秦麗邑

辛未秦內史騰滅韓獲其王以其地為魏

川郡

壬申秦王翦下井陘大破趙軍進圍鉅鹿

趙以趙忽代李牧顏聚代司馬尚將

癸酉秦王翦滅趙復其王以其地為趙郡

楚幽王卒母弟猶立庶兄負芻殺猶

代立魏景濬王卒子假繼趙亡太子

喜稱王于代會燕軍于上谷

甲戌秦王翦破燕軍于易水燕荆軻使秦

不還

乙亥秦王翦滅燕獲其太子丹翦謝

病還拔楚十城

丙子秦王賁滅魏決河灌大梁獲其王
丁丑秦王翦破楚殺其將項燕楚喪師于

鄢走壽春

戊寅秦王前蒙武滅楚獲其王以其地為
楚郡

己卯秦王賁平遼東獲燕王平代獲趙太

子王翦定越以其地為會稽郡

庚辰秦王翦滅齊獲其王以其地為齊郡

東至海及朝鮮西至臨洮越中南至

北嚮戶北至陰山遼東分天下地為

三十六郡罷侯置守鑄天下兵為十

二金人徙天下豪富十二萬戶于咸

陽大建宮室作阿房為萬世業稱始

皇帝更以建亥月為歲首

辛巳西巡狩至于隴右北地及回中乃復

壬午東巡狩至于鄒嶧封太山禪梁甫南

登琅琊丞相隗林王綰卿士李斯王

戊五大夫趙嬰將軍楊樛及九侯勒

帝功于金石表于海上遂南至千衛

山浮江自南郡由武關乃復

癸未東巡狩至于博浪沙中遇盜遂登岸
愚刻石紀功北由上黨乃復

甲申

乙酉

丙戌北巡狩至于碣石由上郡乃復使蒙

恬擊胡取河南地

丁亥南取陸梁地為桂林象郡又北斥克

奴自榆中並河以東屬之陰山為三

十四縣城河上為塞又使蒙恬渡河

取高闕陶山北假中以築亭障

戊子置酒咸陽宮聚天下書焚之

己丑聚天下學士于驪山坑之廣阿房宮

自咸陽達于渭南

庚寅

辛卯南巡狩至于雲夢左丞相馮去疾留

守右丞相李斯從行少子胡亥請行

至九疑浮江東至于會稽又北至于

琅琊由平原達沙丘崩左丞相李斯

宦氏趙高矯帝書更立少子胡亥賜

上郡太子將軍蒙恬死遂還咸陽胡

亥立是謂二世皇帝葬始皇帝于驪
山

壬辰宦氏趙高為中即今專政東巡狩至

于會稽北又至于遼東乃復大殺工

族及群臣復廣阿房徵天下材士以

五萬人為屯尉咸陽三百里內不得

食其穀戍卒陳勝稱王于楚關東郡

邑皆殺其令長以應陳勝而西攻秦

陳勝將武臣稱王于趙魏咎稱王於

魏狄人田儂稱王于齊楚人項羽

王會稽徐人劉季稱兵豐沛

西攻秦至于戲

癸巳秦殺右丞相馮去疾將軍馮劫及

左丞相李斯諫罷阿房故也將軍張

邯滅陳勝于城父破項梁于定陶平

田儂于臨濟渡河北攻趙田儂死其

弟榮立儂子市為王陳勝將秦嘉立

勝子景駒為王項梁殺景駒求楚懷

王孫心立之保盱眙項梁死其子羽

軍彭城其將劉季軍碭山楚王心收

項梁軍自盱眙徙彭城以劉季為碭郡長封武安侯俾南略地而西攻秦以項羽為魯國公封長安侯俾北救趙而西攻秦約先入關者王
經世之末二千二百二十八

甲午秦二世三年中即令趙高稱丞相殺李斯及弒其君胡亥于望夷宮代立不克立二世兄之子嬰為王嬰立夷趙高三族沛公兵十萬由武關入至咸陽秦子嬰降于軹道收圖籍封宮室府庫示秦人以約法三章還軍灞上以待東諸侯項羽北救趙殺大將軍宋毅至鉅鹿大敗章邯軍于洹水秦軍降者二十萬西坑之于新安合齊趙魏韓燕五國之兵四十萬由函谷而入會沛公于戲而屠咸陽殺子嬰收子女玉帛焚宮室府庫
乙未項羽淪約自主封建立楚王心為義帝徙之江南都郴封沛公季為漢王遷之漢中郡南鄭分秦關中為三一

封降將章邯為雍王都廢丘一封降將司馬欣為塞王都櫟陽一封降將董翳為翟王都高奴分齊為三一封齊將田都為臨菑王都臨菑一封齊將田安為濟北王都博陽一封齊王田市為膠東王徙即墨分楚為三一封楚將英布為九江王都六一一封楚將共敖為臨江王都江陵一封蕃君吳芮為衡山王徙邾分趙為二一封楚將張耳為常山王都襄國一封趙王歇為代王徙鴈門分韓為二一封楚將申陽為河南王都洛陽一封韓將韓成為韓王都陽翟分魏為二一封趙將司馬印為殷王都朝歌一封魏王豹為魏王徙平陽分燕為二一封燕將臧荼為燕王都薊一封燕王韓廣為遼東王徙無終封吳芮將梅鋪十萬戶侯趙歇將陳餘環三縣田市將田榮不及封羽自稱西楚霸王王梁地九郡都彭城諸王之在戲下

者咸遣罷兵就國羽亦東出使人殺義帝于江上殺韓王成以鄭昌代之臧荼殺韓廣于燕并有其地田榮殺田都田安田市于齊并有其地稱齊王彭越受榮符以覆梁地陳餘受榮兵以破常山趙王歇自代遷都鉅鹿張耳走漢項羽北破田榮于齊榮死弟橫立榮子廣復保城陽
丙申漢王自南鄭東收三秦二韓五諸侯兵合三河七五十六萬東伐楚入彭城取重寶美女為置酒高會項羽至自代齊大破漢軍于睢水殺十餘萬并獲漢王父母妻子漢王退保滎陽榮甬道以通敖倉粟使將韓信張耳攻魏趙丞相蕭何兵至自關中自此日戰于京索間
丁酉楚圍漢于滎陽拔之紀信周奇撥公死之漢退師保成臯九江王英布降于漢彭越破楚軍于下邳韓信張耳平魏趙還軍脩武漢王自成臯北渡

河至脩武使張耳收兵趙地韓信伐齊盧縮劉賈南渡白馬津會彭越攻楚楚又拔漢成臯

戊戌漢復取成臯與楚對兵廣武韓信平齊乞封假王項羽請和約分天下于

鴻溝歸漢父母妻子還軍至陽夏漢軍復至楚復敗漢軍漢又大會韓信

彭越英布及諸侯兵于垓下

己亥漢滅楚項羽死于東城漢王以魯國

公禮葬羽于穀城楚之諸侯而王者

並降封侯封齊王韓信為楚王治下

邳建成侯彭越為梁王治定陶九江

王英布為淮南王治廣陵韓王信為

韓王治陽翟衡山王吳芮為長沙王

治臨湘蓋帝位于汜水之陽西都長

安大建官室燕王臧荼不恭命攻下

代郡往平之獲臧荼以太尉盧縮為

燕王齊王田廣卒叔橫立入于海

庚子帝游雲夢會諸侯于陳執楚王韓信

歸降為淮陰侯分其地為二一封劉

賈為荆王治淮東一封弟交為楚王治淮西別封子肥為齊王徙韓王信為太原王匈奴寇馬邑韓王信以衆叛帝尊父太上皇

辛丑帝北征韓王信于銅鞮信走匈奴遂

征匈奴至于平城匈奴圍帝于平城

七日樊噲北定代以兄仲為代王

壬寅建未央宮代王劉仲自鴈門逃歸廢

為合陽侯以陳豨為代王

癸卯大朝諸侯于未央宮趙相貫高事覺

甲辰太上皇及太上后崩陳豨以鴈門叛

帝北征誅淮陰侯韓信并夷三族蕭

何為相國

乙巳梁王彭越以定陶叛平之夷三族淮

南王英布以廣陵叛兼有淮東西地

丙午帝征淮南平之夷英布三族周勃平

代獲陳豨于當城帝崩太子盈踐位

是謂惠帝太后呂氏臨朝稱制蕭何

曾參陳平周勃輔政葬高祖于長陵

盧縮以燕叛

丁未太后殺趙王如意及母夫人戚氏齊

王肥獻陽城為魯元公主湯沐邑

戊申相國蕭何卒曹參為相國

己酉城長安

庚戌除挾書律

辛亥相國曹參卒王陵為右丞相陳平為

左丞相

壬子太尉樊噲卒周勃為太尉

癸丑惠帝崩立無名子為帝葬惠帝于安

陵封呂氏四人為王六人為侯罷王

陵相進陳平右丞相以審食其為左

丞相關政內太后專制名雜

甲寅

乙卯

丙辰

丁巳無名子于未央殺之立恒山王為

義帝

戊午尉它稱帝南越

己未匈奴寇狄道

庚申太后殺趙王友以梁王呂產為相國

趙王呂孫為上將軍分統南北軍

辛酉太后呂氏崩丞相陳平太尉周勃朱

虛侯劉章曲周侯酈商及子寄誅呂

產獲南北軍夷呂氏三族廢恒山王

義迎高祖中子代王恒于鴈門立之

是謂文帝以宋昌為衛將軍專南北

軍丞相陳平讓周勃右丞相而為左

丞相灌嬰為太尉張武為中郎

壬戌以皇子啟為皇太子周勃免相陳平

兼左右丞相

○ 癸亥丞相陳平卒周勃復相始作銅虎符

經世之申二千二百二十九

甲子漢孝文皇帝三年免周勃相以灌嬰

為相王興居以濟北叛平之匈奴寇

北地

乙丑絳侯周勃下廷尉

丙寅

丁卯王長以淮南叛徙之蜀放賈誼于長

沙

戊辰

己巳

庚午

辛未

壬申

癸酉

甲戌除肉刑

乙亥

丙子祀上帝

丁丑

○ 戊寅改稱元年是謂後元

己卯

庚辰

辛巳

壬午

○ 癸未匈奴寇雲中上郡命六將屯備周亞

夫軍細柳

甲申文帝崩太子啟踐位是謂孝景皇帝

葬太宗于灊陵

乙酉與匈奴約和親

丙戌

丁亥吳王濞膠西王卬楚王戊趙王遂濟

南王辟光舊川王賢膠東王權渠七

國連叛誅御史大夫晁錯七國平梁

孝王霸有東土

○ 戊子以皇子榮為皇太子

己丑以公主嬪于匈奴

庚寅

辛卯廢皇太子榮以膠東王徹為皇太子

太尉周亞夫為丞相

壬辰改稱元年是謂中元

○ 癸巳

經世之酉二千二百三十

甲午漢孝景皇帝十年周亞夫免相

乙未

丙申

丁酉

○ 戊戌載改元年是謂後元周亞夫下獄死

己亥

庚子景帝崩皇太子徹踐位是謂孝武皇帝

帝葬景帝于陽陵



辛丑改建元元年

壬寅竇嬰免相田蚡免太尉

癸卯

甲辰

乙巳

丙午

丁未改元元光始令郡國貢孝廉董仲舒

起焉

戊申命將五兵三十萬大伐匈奴不利

己酉

庚戌竇嬰棄市田蚡卒

辛亥廢皇后陳氏以衛子夫為皇后弟青

為將軍

壬子命將四大伐匈奴無功

癸丑改元元朔

甲寅衛青伐匈奴有功收河南置朔方五

原郡

乙卯

丙辰匈奴冠上郡

丁巳匈奴冠鴈門衛青伐之有功拜大將

軍公孫弘為丞相封平津侯

戊午衛青征匈奴大有功霍去病為嫖姚

校尉張騫通西域有功封博望侯

己未改元元狩獲白麟故也淮南王安衛

山王賜二國叛平之冊據為皇太子

庚申霍去病征匈奴至于居延拜驃騎將

軍李廣征匈奴無功謫為庶人

辛酉

壬戌衛青霍去病李廣大伐匈奴李廣自

殺

癸亥丞相李蔡自殺

經世之戊二千二百三十一

甲子漢孝武皇帝二十四年大司馬霍去

病卒

乙丑改元元鼎

丙寅丞相翟青下獄死

丁卯徙函谷關于新安

戊辰封方士樂大為樂通侯

己巳南越王相呂嘉叛諸侯坐酎金輕奪

爵者一百六十人丞相趙同下獄死

樂通侯樂大坐誣罔棄市西羗及匈

奴冠五原

庚午南冠平東越王餘善叛下式為御史

大夫

辛未改元元封帝征匈奴至于北海東越

殺餘善降有事于東西中三獄及禪

梁甫東巡狩至于碣石西歷九原歸

于甘泉

壬申復巡太山作執子隄朝鮮寇遼東

癸酉朝鮮殺其王右渠以降祀汾陰后土

甲戌

乙亥南巡狩至于盛唐大司馬衛青卒

丙子西幸回中及祀汾陰后土

丁丑改元太初東巡大山更以建寅月為

歲首西伐大宛起建章

戊寅北幸河東祀后土騎二萬征匈奴不

復

己卯東巡海上匈奴寇張掖酒泉

庚辰李廣利平大宛獲其王及汗血馬

辛巳改元天漢中即將蘇武使匈奴使北幸

河東

壬午東巡至于海上又西幸回中將軍李

陵征匈奴不還

癸未東巡太山又北幸常山匈奴寇鴈門

甲申大伐匈奴不利朝諸侯于甘泉宮

乙酉改元太始

丙戌西幸回中

丁亥東巡海上

戊子東巡太山

己丑改元正和巫蠱事起

庚寅太子殺江充相劉屈氂攻太子戰于

長安太子敗死皇后自殺諸邑公主

皆坐巫蠱死

辛卯大伐匈奴巫蠱事覺誅丞相劉屈氂

壬辰東巡海上天下疲于兵革

癸巳改元後元重合侯馬通叛

經世之亥二千二百三十二

甲午漢孝武皇帝五十四年冊皇子弗陵

為皇太子帝幸蓋屋五柞宮崩大司

馬霍光顧命太子弗陵嗣皇帝位是

謂昭帝葬世宗于茂陵大將軍霍光

專政

乙未改元始元

丙申

丁酉

戊戌

己亥

庚子

辛丑改元鳳誅郭邑長公主及燕王旦

左將軍上官桀謀害霍光事覺故也

壬寅

癸卯

甲辰丞相田千秋卒

乙巳丞相王祈卒

丙午

丁未改元元平帝崩昌邑王賀立葬世宗

于平陵賀立不明大將軍霍光廢之

迎戾太子孫詢立之是謂孝宣皇帝

邴吉為相

戊申改元本始

己酉命將五兵十五萬大伐匈奴

庚戌

辛亥皇后許氏遇毒崩霍光以女上皇后

壬子改元地節

癸丑大司馬大將軍霍光卒子禹繼事

甲寅冊皇子奭為皇太子

乙卯大司馬霍禹謀逆事覺夷三族廢皇

后霍氏

丙辰改元元康

丁巳冊王氏為皇后

戊午太子太傅疏廣太子少傅疏受謝病

歸東海

己未

庚申改元神雀趙充國伐西羌

辛酉

壬戌蕭望之為御史大夫

癸亥潁川太守黃霸賜爵關內侯河南太

守嚴延年棄市

皇極經世之六

以運經世之八 觀物篇之三十二

經元之甲一

經會之午七

經運之庚一百八十七

經世之子二千二百三十三

經世之子二千二百三十三

甲子漢孝宣皇帝十七年改元五鳳左馮

翊太守韓延壽葉市肢蕭望之為太

子太傅坐慢丞相邴吉也平通侯楊

惲葉市坐死望也

乙丑

丙寅丞相邴吉卒黃霸為相

丁卯

戊辰改元甘露

洪百堅

三十二

己巳

庚午匈奴呼韓增單于來朝于定國為相

辛未

壬申改元黃龍宣帝崩于未央宮皇太子

奭踐位是謂孝元皇帝

癸酉改元初元葬中宗于杜陵

甲戌舟皇子警為皇太子盜殺蕭望之

乙亥

丙子幸河東

丁丑

戊寅改元永光

己卯

庚辰西羌平

辛巳

壬午

癸未改元建昭

甲申

乙酉巨衛為相

丙戌

丁亥

戊子改元竟寧帝崩皇太子警即位是謂

孝成皇帝弟高宗子渭陵王風為大

司馬大將軍專政

己丑改元建始

庚寅

辛卯王商以誣免相巨衛為庶人

壬辰河大決王商為相

癸巳改元河平

經世之丑二千二百三十四

甲午漢孝成皇帝六年

乙未

丙申

丁酉改元陽朔京兆尹王章下獄死張禹

為相

戊戌王音為御史大夫

己亥大司馬王鳳卒弟音繼事

庚子

辛丑改元鴻嘉

壬寅幸雲陽

癸卯廢皇后許氏

洪百堅

三十四

甲辰

乙巳改元永始封王莽新都侯册趙飛燕

為皇后

丙午大司馬王音卒王商為大司馬程方

進為相孔光為御史大夫

丁未

戊申大司馬王商免王根為大司馬

己酉改元元延

庚戌

辛亥

壬子

癸丑改元綏和

甲寅成帝崩皇太子欣踐位是謂孝哀皇

帝太后王氏臨朝稱制大司馬王根

專政莽成帝于延陵王根罪免丁明

為司馬孔光為丞相

乙卯改元建平卅傳氏為皇后傳喜為大

司馬朱博為大司空

丙辰傳喜免丁明復為大司馬孔光免朱

博自殺

丁巳相平當薨王嘉為相

戊午息夫躬下獄死

己未改元元壽王嘉以下獄死大司馬丁

明免

庚申哀帝崩元帝孫中山王子衍即位是

謂孝平皇帝年方九歲太后衛姬臨

朝以王莽為太傅輔政王室元始五

年立莽女為皇后

辛酉改元元始封大司馬王莽安漢公

壬戌

癸亥

經世之實二千二百三十五

甲子漢孝平皇帝四年王莽以女上皇后

乙丑王莽弑帝于未央宮立元帝孫孺子

嬰莽加九錫

丙寅王莽改元居攝

丁卯王莽稱假皇帝翟義立嚴鄉侯信于

東都莽將王邑滅之

戊辰王莽改元初始

己巳王莽竊國命改國為新室元曰建國

降孺子嬰為定安公

庚午

辛未

壬申

癸酉

甲戌王莽改元天鳳四夷交侵中國

乙亥

丙子

丁丑

戊寅

己卯校書郎楊雄卒

庚辰王莽改元地皇兵起綠林

辛巳

壬午劉玄稱兵宛業劉秀及兄伯升稱兵

春陵

癸未劉玄稱帝元曰更始以劉伯升為司

徒劉秀為太常偏將軍是年大破莽

將王尋王邑軍于昆陽三輔遂滅莽

于漸臺劉玄拜劉秀破虜大將軍行

大司馬事使持節巡撫河北王即

子林稱帝邯鄲

甲申劉玄西入長安殺漢孺子嬰大將軍

劉秀北徇薊還拔邯鄲誅王即受劉

玄蕭王又號為銅馬帝破赤眉大彤

於射犬赤眉西入函關攻更始李憲

三十五

三十六

自立稱王淮南秦豐自號楚黎王董
憲起東海延岑稱兵漢中

乙酉蕭王肇帝位于河朔之鄙國曰漢元
曰建武南次洛陽都之赤眉陷長安
稱帝殺劉玄公孫述稱帝成都元曰

龍興劉永稱帝睢陽隗囂稱兵隴右

盧芳稱兵安定彭寵稱王薊門

丙戌赤眉焚長安宮室陵寢銅馬青犢尤

來立孫登為帝于上郡其將樂方殺
之

丁亥赤眉降漢于宜陽長安平蓋延平劉

永于睢陽隗囂以西州格命李憲稱

帝淮南

戊子

己丑彭寵為家奴所殺來降封不義侯薊

門平朱祐平秦豐于黎丘滅張步于

臨淄盧芳稱帝五原帝微嚴光不起

庚寅馬成平李憲于淮南吳漢平董憲于

東海隗囂以西州入于蜀

辛卯

壬辰西征馮異竇融破隗囂于隴右

癸巳隗囂死于純立來歙馮異伐蜀入天

水

經世之卯二千二百三十六

甲午漢光武皇帝十年西征滅隗純于隴

右

乙未西征蜀至于南陽吳漢岑彭大破蜀

軍于荆門

丙申吳漢拔成都誅公孫述及將田戎岑

延

丁酉盧芳自五原亡入匈奴

戊戌天下平

己亥大司徒歐陽歙下獄死

庚子交趾女徵側叛青徐龜茲盜起

辛丑南巡廢皇后郭氏為中山太后册貴

人陰氏為皇后

壬寅西巡史歆以成都叛吳漢復平之馬

援伐交趾幸長安

癸卯南巡馬援平交趾封新息侯廢皇太

子彊為東海王以東海王莊為皇太

子

甲辰大司徒戴涉下獄死

乙巳

丙午

丁未

戊申

己酉馬援破武陵蠻

庚戌作壽陵

辛亥

壬子

癸丑

甲寅東巡狩

乙卯

丙辰東封太山禪梁甫改元中元西幸長

安馮房為司空

丁巳帝崩皇太子莊踐位是謂孝明皇帝

葬世祖于原陵

戊午改元永平

己未

庚申

辛酉

壬戌北巡

癸亥東巡

經世之辰二千二百三十七

甲子漢孝明皇帝七年

乙丑

丙寅

丁卯南巡狩

戊辰

己巳牟融為司空

庚午河大決

辛未

壬申東巡狩

癸酉司徒邢穆附馬都尉韓光下獄死

甲戌

乙亥帝崩皇太子坦踐位是謂孝章皇帝

恭顯宗于節陵

丙子改元建初

丁丑

戊寅

己卯鮑宣為太尉桓虞為司徒詔于白虎

觀議五經異同

庚辰

辛巳

壬午廢皇太子為清河王立皇子肇為皇

太子北幸鄴西幸長安

癸未東巡狩

甲申改元元和南巡狩鄧彪為太尉

乙酉東巡狩

丙戌北巡狩

丁亥改元章和南巡狩

戊子帝崩皇太子肇踐位是謂孝和皇帝

太后竇氏臨朝稱制竇憲為車騎將

軍專政葬肅宗于敬陵以鄧彪為太

尉錄尚書事

己丑改元末元竇憲敗匈奴于稽落山以

竇憲為大將軍

庚寅

辛卯帝加元服班超平西域

壬辰竇憲作違事覺伏誅帝始親萬機

癸巳

經世之已二千二百三十八

甲午漢孝和皇帝六年

乙未

丙申

丁酉司徒劉方有罪自殺

戊戌

己亥

庚子張酺罷太尉張禹為太尉

辛丑魯恭為司徒

壬寅廢皇后陰氏冊貴人鄧氏為皇后徐

防為司空

癸卯南巡

甲辰司徒魯恭罷免徐防為司徒陳寵為

司空

乙巳改元元興帝崩皇子隆立是謂殤帝

太后鄧氏臨朝稱制車騎將軍鄧騭

專政

丙午改元延平葬穆宗于慎陵帝又崩鄧

騭迎章帝孫祐立之是謂孝安皇帝

葬揚帝于康陵尹勤為司空

丁未改元永和魯恭為司徒張禹為太尉

張敏為司空周章謀廢立不克自殺

戊申鄧騭為大將軍

己酉帝加元服

庚戌海寇亂

辛亥西羌入寇張禹免太尉

壬子太后鄧氏有事于太廟劉愷為司空

癸丑

甲寅改元元初司馬苞為太尉

乙卯冊閻氏為皇后劉愷為司徒袁敞為

司空

丙辰李咸為司空

丁巳

戊午

己未

庚申改元永寧楊震為司徒

辛酉改元建光太后鄧氏崩帝始親政事

特進鄧騭渡遼將軍鄧遵下獄死

壬戌改元延光

癸亥司徒楊震為太尉

經世之千二百三十九

甲子漢孝安皇帝十八年東巡廢皇太子

保為濟陰王楊震罷太尉馮石為太

尉

乙丑帝南巡崩于葉太后閻氏臨朝稱制

閻顯為車騎將軍專政立章帝玄孫

北鄉侯懿誅大將軍耿寶葬恭宗子

恭陵懿又卒車騎將軍閻顯及大長

秋江京閉宮門擇立它子中黃門孫

程十九人殺江京迎濟陰侯立之是

謂孝順皇帝顯兵入北宮不勝孫程

取閻顯及江京之黨殺之亂乃定以

王禮葬北鄉侯馮石為太傅劉喜為

太尉李郃為司徒

丙寅改元永建皇太后閻氏崩桓焉為太

傅朱寵為太尉朱伉為司徒

丁卯

戊辰

己巳帝加元服龐參為太尉王龔為司空

劉俊為司徒

庚午班勇棄市

辛未

壬申改元陽嘉冊梁氏為皇后

癸酉施延為太尉

甲戌黃尚為司徒王卓為司空

乙亥

丙子改元永和王龔為太尉

丁丑郭虔為司空

戊寅劉壽為司徒

己卯誅中常侍張達

庚辰

辛巳趙誠為司空梁冀為大將軍

壬午改元漢安遣張綱等八使持節巡行

天下廣陵寇亂趙峻為太尉胡廣為

司徒

癸未彭門寇亂

甲申改元建康帝崩皇太子炳踐位是謂

冲帝太后梁氏臨朝稱制大將軍梁

冀專政華敬宗于憲陵盜發憲陵免

尚書樂巴為庶人

乙酉改元末嘉帝崩太后梁氏大將軍梁

冀迎肅宗孫續立之是謂質帝葬沖

帝于懷陵江淮寇亂九江賊稱黃帝

歷陽賊稱黑帝

丙戌改元太初梁冀弒帝迎肅宗曾孫志

立之是謂桓帝李固罷免梁冀專政

丁亥改元建和梁冀以女上皇后杜喬為

太尉胡廣罷免李固杜喬下獄死

戊子帝加元服趙誡為太尉袁滂為司徒

己丑

庚寅改元和平太后梁氏崩

辛卯改元元嘉黃瓊為司空尋罷免

壬辰

癸巳改元末興袁成達隗為三公

經世之末二千二百四十

甲午漢孝桓皇帝八年黃瓊為太尉尹頌

為司徒

乙未改元末青輅續為司空

丙申

丁酉

戊戌改元延熹

己亥皇太后梁氏崩大將軍梁冀謀逆事

覺夷三族黃開早起擅命胡廣輅續

滅死

庚子白馬令李雲直諫死于獄太山及長

沙寇亂

辛丑武庫火

壬寅

癸卯

甲辰南巡揚東為太尉

乙巳廢皇后鄧氏冊貴人竇氏為皇后陳

蕃為太尉竇武為大將軍

丙午黨錮事起司隸李膺等三百人下獄

丁未改元末康帝崩太后竇氏臨朝稱制

戊申竇武迎肅宗玄孫解犢侯宏立之是

謂靈帝竇武錄尚書事專政改元建

寧葬威宗于宮陵中常侍曹節王甫

殺太傅陳蕃大將軍竇武及尚書尹

勳侍中劉瑜屯騎校尉馮述夷其族

徒太后竇氏于南宮謀誅宦氏不克

故也胡廣為太尉劉寵為司徒

己酉朋黨事復起殺李膺等百人

庚戌

辛亥帝加元服冊宋氏為皇后

壬子改元嘉平太后竇氏崩詎構事大起

癸丑段熲為太尉楊賜為司空

甲寅李咸為太尉

乙卯五經文皆刻石于太學袁隗為司徒

丙辰劉寬為太尉楊賜為司空

丁巳大伐鮮卑孟郁為太尉陳耽為司空

戊午改元光和合浦交趾內寇廢皇后宋

氏大鬻爵至三公袁滂為司徒

己未諸貴臣下獄死者相繼官氏誣故也

劉劭為司徒段熲為太尉張濟為司

空

庚申陳耽為司徒冊何氏為皇后

辛酉作宮市帝遊以驢為駕

壬戌

癸亥